

# ALL NATIONS GOSPEL PUBLISHERS



[www.angp-hb.co.za](http://www.angp-hb.co.za)



[info@angp.co.za](mailto:info@angp.co.za)

*DHOLUO/LUO Heart Book*

**CHUNY**

**DHANO**

Copyright ANGP

**COPYRIGHT**  
**ISBN 0-908367-76-7**

**E-MAIL: [info@angp.co.za](mailto:info@angp.co.za)**  
**ALL NATIONS GOSPEL PUBLISHERS**  
**P.O. Box 2191, PRETORIA, 0001, R.S.A.**  
(A Gospel Literature Mission financed by donations)  
(Reg. No. 1961/001798/08)

# CHUNY DHANO

Hekalu mar Nyasaye koso od tich Jachien.  
1 Yohana 3:4-10.

---

Ma ok en kitabu manyien. Nogoye mokwongo e piny Fransa moloyo higini mia ariyo mokadho osekelo ler kod gweth maduong' ne chuny matara. Osetiyo kode kaka rang'i mar chuny kama chwo gi mon nyalo ng'iyoe kit chunysi kaka Nyasaye ng'iygo. Ji mathoth oseneno chunysi maricho eka negilokore kendo yudo chuny manyien gi roho manyien maiye

Kisomo kitabu ni, yie ipar ne en rang'i mar chuny ma ka somo to ng'ipre godo iwuon. Kata in japiny, ja-Kristo kata ng'at ma odok chien, ibiro yudo picha ni iwuon ka kaka Nyasaye ng'iyie. Nyasaye ok odewo wang' ji. Ong'iy chuny dhano to ok wang' ng'ato kata kido mar del.

Satani e wuon jo-miriambo duto, ruodh mudho kendo Nyasach piny ni. Noloko kite owuon kaka malaika mar chieng' to ok en malaika mar chieng' kawuono kaka ji mathoth nene e parogi kendo timo mamono kod picha kama satani fwenyore kaka en owuon obet adier. Kaka e kinde machon, kendo kaka kawuono, nitie jo-ote ma jomiriambo mang'eny, jotich mawuondore, ka giloko kitegi giwegi kaka jo-ote Kristo, ok en wach miwuoro nikech satani owuon nolokore bedo malaika mar chieng'. 2 Jokor. 11:13-14. Satani geng'o wang' gi paro mar ji mondo kik gine hera mar Nyasaye, duong' gi duong' motelo mar Nyasaye, to kata mana Jawargi Yesu Kristo ok ginyal neno. 2 Jokor. 4:4. Jo ma ogeng' wengegi gi nyasach piny ni ok nyal neno ni giringo ka gi chomo kethruok masiko ei mach maliel gi kibiriti mak rum. Githo kuom Nyasaye kendo itiyigo kod chuny nyasach piny ni. Joefeso 2:2.

Kuom ma Wuod Nyasaye nofwenyore ni mondo oke-thi tije jachien. 1 Yoh. 3:8. "Chiwreuru uwegi ni Nyasaye. Tamuru jachien to noringi noa kuomu. Suduru machiegini gi Nyasaye to nosud nu." Yakobo 4:8.


Ka isomo kitabu ni kendo ng'iyo pichege, inyalo ng'iyo chunyi iwuon in bende. Yie chunyi odwar kendo ine kaka kite chalo. Ka iyudo ni chunyi rach kendo opong' gi richo, kik ikwer kata kik pande, to yie kendo hul richo-gi. Kwa wacho ni waonge richo wawuondore kendwa kendo adiera onge ei wa. To kwahulo richowa, en adiera kendo makare, mondo owewa e richowa, kendo gudowa e tim duto mak odhi kare. Kwawacho ni ne ok waketho, wamiye doko jamiriambo, to wachne ok ni kuomwa. 1 Yohana 1:8-10. Beduru mamuol e bwo bat matek mar Nyasaye mondo owenu richou kendo luokou gi remo ma nengo ne tek mar Yesu.

Olo ngimani gi Nyasaye kata jachien. In misumba richo kata jatich Nyasaye. Ka richo olo ngimani yie. Moyo to yuagri ni Nyasaye mabiro gonyi kuom Yesu Kristo mano biro pinyni mondo owar joricho, oyaw wenge mwofini, golowa e mudho kendo golo mudho kuomwa. Nobiro mondo okelwa e lerne miwuoro. Yesu nobiro gonyowa ae teko mar richo kod satani. Kuome wan gi warruok kuom richowa. Ichungo nyim Nyasaye maler maneno kendo ong'eyo meki duto maling'ling' gi mopondo kod parogi duto. Ok inyal pondo ni Nyasaye in iwuon kata gi timbni. Ng'a manoketo it, ok nowinj koso? Ng'a ma nochweyo wang', ok nonen koso? Zaburi 84:9. Nikech wengene nie yore dhano oneno wuodhe duto. Onge mudho kata tipo mar tho ma jotich richo nyalo pondoe giwegi. Ayub 34:21-22. Nikech wang' Yehova ong'iyo piny duto koni gi koni mondo tekone onyisre ni jogo ma chunygi lony kare e nyime. 2 Weche mag Ndalo 16:9; Yohana 2:24.

Ojahawi ng'atno ma timne marach owene, ma kethone oum. Ojahawi ng'atno ma Yehova ok nyal nwang'o tim mamono kuome, kendo ma onge wuond e chunye. Zaburi 32:1-5 Som bende Zaburi 51. Yesu pod oluongo kawuono: "Biuru ira un duto mujony kendo mu gangoru mapek, to anamiu yweyo." Matt. 11:28-30.

## **PICHA MOKWONGO**

Pichani fwenyo chuny japiny kod chuny jaricho mar piny, ma ok onyuol nyuol manyien, dichwo kata dhako molo gi chuny mar pinyni kod dwaro gi gombo mar ring-



### CHUNY JARICHO

ruok. Ma eni e rang'i madieri mar chunye kaka Nyasaye nene. Wengene makwar koso kuom mer mare. Som kitap Ngeche 23:29-32. "Ng'a moneno masira?" Ng'a ma wang'e kwar marach? Jogogo mabudho kamadho divai; jogo madhi dwaro divai moruwore; Kik ine divai marangi makwar; kobedo makwar ei kikombe; kimadhe, to yom. Achien okayo kaka thuol; okayo kaka u. Wang'i none gik mayore; kendo chunyi nowachi weche mag wang' teko."

E bwo wich inyalo neno chuny dhano ma le mopogore maloso kuom richo mathoth mopogore manie chuny dhano, odak ie. Chuny e od richowa. Nyasaye wacho ni: "Chuny dhano otimo wuond matamore nono, engi tuwoche mang'eny: ng'ano manyalo ng'eye"? Yer. 17:9. Yesu owuon bende owacho ni: "Gi mowuok e i dhano, e make-tho dhano, nikech e iye, e chuny ji paro maricho owuokie, wuowo, kuo, nek, terruok, gombo, kethruok, wuondruok, anjawa, wang' marach, ayany, sunga, fuwo; magi duto maricho a e iye, kendo oketho dhano." Mariko 7:21-23.

### **ONGOWANG':**

Chwech mokwongo ka en Ongowang'. En winyo man gi chia gi yieye miwuoro, kendo ka oloso kuom richo mar sunga. Lusifa, malaika mowir mane chon jating' tach Nyasaye, malaika mar Nyasaye, nopodho kuom sunga kendo nodoko jasik Nyasaye, Jachien. Isaiah 14:9-17. Jachien koro en malaika mar mudho.

Sunga onyisore kende e yore mathoth. Jomoko sungore kuom mwandu, mangin godo, kuom dhok, rombe udi kata puothe ma gin go, kata lepgi manengo gi tek, wang' man gi chia kod ringruok magi nyiso pile maonge wich kuot. Jomoko bende otop gi sunga mar ogandagi, rang'iny puonjuok, teko mar ringruok,gi yudo gi piny, kido mar del kod gik mamoko manono mathoth. Jo moko temo mondo omire ber kod rwako munde gi tigo'e itgi, ka saro wengegi kendo kedo dendgi, ka Nyasaye nolose makare. Nyasaye otamo josunga- to omiyo jo mamuol ng'wono. 1 Petro 5:5. Sunga gi ng'ayi Nyasaye osin godo. Ngeche 8:13. "Sunga emotelo ni nek, ng'a masungore obiro podho. "Ngeche 16:18.

### **GUOK:**

Guok nyiso kuom gombo mar ringruok, terruok, wuowo. Kamoro amora ma guok odhiye odwanyore. Ji mathoth gin kamano. Kamoro amora ma gi dhiye gitemo mako esiepe anjawa. Terruok gi tim mak ler osemedore ahinya e ndalo mogik maricho gi. Jo matindo ok nyal ritore giwegi kata mana joma osekendo kata mon mosekendi, kata mana mond liete mang'eny odak a terruok.

Richo Sodom bende osemako ngima mag ji tara gana mondo ochopi kaka Yesu koro wach ni e kinde mag giko nobed kaka e kindego mag Sodom gi Gomora. "To guokgi gin oko, gi jojuogi, gi jo moterore, gi jonek, gi jo molamo gik maket, kendo ng'ato ka ng'ato mohero kendo motimo miriambo." Fweny 22:15. "Weuru terruok. Richo duto ma ng'ato otimo gin ng'e ringruok; to ng'a maoketho ringire owuon. Koso ok ung'eyo ka ringreu gin hekalu mar Nyasaye? Ka ng'ato oketho hekalu mar Nyasaye (ringre), Nyasaye nokethe; nikech hekalu mar Nyasaye oler, e un." 1 Jokor. 6:15-18; 3:16-17.

### **MBIDHI:**

Mbidhi nyiso richo mar mer gi wuoro. Mbidhi chamo gimoro amora moyudo. Ok oyier maber kata marach, mana kaka ji mathoth chamo le kata jamini motho kendgi, nikech tuo kata mosede. Gichamo remo, gudhugudhu, gi oyieyo kod ma moko mane Nyasaye nowacho ni kik wacham. Tich Joote 15:20; Is. 66:3-7; Bende gi ketho ringregi, hekalu mar Nyasaye, gi inyamo, suyo ndawa, madho ndawa, kata nyasore, maketho kendo keto sum e rembgi kendo terogi e timbe maricho. Satani otweyogi kod gombo madho ndawa, kendo en kuom teko mar Nyasaye kende ema dichwo kata dhako inyalo gonyo a e tim mochidoni. Ji matindo kata madongo ok nyal paro rach mer kod madho kong'o, divai. To kata kamano onge jamer manocham gikeni mar piny Ruoth Nyasaye. Kong'o ok en chiemo, en math marach mawilo wich kod keth paro kendo jogo ma madhe gitimo timbe mofuwo. Gidoko jomadwanyore kendo bende gineko kata negore kendgi mada ok gi nyal timo ka ok gi madho kong'o. "Divai okelo achaye, kong'o okelo dhau; ng'a matagore godo oonge gi rieko." Ngeche 20:1. E bwo chik Musa ka ng'ato ne nigi wuoi ma wiye tek machach, ma jamer, ne ichiele gi kite nyaka otho. Rapar mar Chik 21:19-21. Jogo malosong'o kata kwong' matekregi ng'eny rach ni omako mana kaka jogo mang'iewe kendo madhe, nikech wach Nyasaye owacho ni. "Yaye jogo mar ruwo kong'o. Isa. 5:22. "Rach ni ng'ato mamiyo wadgi kong'o, mimedoe kwichi, kimiye mer bende." Habakkuk 2:15. "Kik uwuondre, kata jo ma-

chodo, kata jolam gik maket, jo materore, kata jo matimo anjawo, kata jo materore gi chuwo, kata jokuwo, kata jogombo, kata **JOMER**, kata jo mayenyo, kata jomecho ok ginikau gikeni mar piny Ruoth Nyasaye." 1 Jo-kor. 6:9-10.

"Kendo tim mag ringruok nenore ratiro, e magi, terruok, gi mak ler, anjawo, lamo gik maket, yido, sigu, dhawo, ich lit, mirima, mbaka, kanyakala, pogruok, **GOMBO MER**, gi moko ma ka magi: ka jogo matiyo ka magi ok ginicham gikeni mag piny Ruoth Nyasae." Joga-l. 5:19-21. "Kendo kik UMER gi divai, makelo anjawo. to mondo upong' gi Roho." Joefeso 5:18. Kuom joma riyo makogi Yesu, soko mar ngima, omiyogi luongni:" Ka ng'a ma riyo omako, mondo obi ira, omodhi." Yohana 7:37-38. "Owetewa, ng'ato ka ng'ato ma riyo oloyo, biuru, pi ni ka, jalo bende maonge gi senti; biuru, ng'iewuru, chiemuru; ee, biuru, ng'iewuru divai gi chak maonge nengo. Marang'o uchiwo senti kuom gi moro ma ok chiamo? kod pok muyudo marang'o uchiwogi kuom mago ma ok romo ng'ato? Isa. 55:1-2.

### **OPUK:**

Le maluro ni loso kuom richo mar samwoyo, dekruok kod mirieri. Tamruok yie en kaka richo mar mirieri. Ng'atno ma jasamwoyo podhoe temruok mathoth. Doher kwalo moloyo tiyo ni gino, ma kinde duto chope nek. Samwoyo mar chuny monowa lemo, somo wach Nyasaye, kendo dhi e kanisa. Osindowa dwaro i wach Nyasaye kama wantie gi ngima manyakachieng'. Dekruok e kwalo saa kendo e gikone oterowae kethruok. Ka Nyasaye osewuoyo kodi ni mondo ichiwn' chunyi kawuono, to jachien biro piyo kendo wachoni niriti nyaka kiny kata chieng' mowinjore ma dipo ka ok obiro. Iweye bang' ndalo ka ndalo, bang' higa ka higa nyaka tho chopini ka ok ing'eyo, kendo itho ka irwako Nyasaye, ka ionge warruok kendo ka ionge Kristo. Emomiyo Nyasaye owacho: "Tinende ka nuwinji duonde, kik chunyu dok matek kaka e piem." Johib. 3:7-8.

Pat opuk ikonyruok godo pile gi jamirieri kendo loso kamano kuom richo mar geno, kod timbe mirieri (yido) kod juok kar geno kuom Nyasaye mangima. Kar



luongo Nyasaye mangima e kinde mag tuo kod chandruok ji keto genogi e nyisache manono, tiend yien, kite, tunge kata kuom gigo motho mawach niggi kod mirieri, kama onego giyie ni Jachwechgi gi Jawargi. Nyasaye nochiko nyithind Israel kawacho: "Kik we jajuok madhako obed mangima." Wuok 22:18. "Kendo kik yudo ng'ato moro e kindu mamiyo wuode kata nyare kadho e mach, kata jakor, kata jambofwa, kata jadal, kata jandagla, kata ajuok nyakolondo, kata japenj jochiende, kata jajuok, kata jadwar wich jo motho. Nikech ng'ato manade mitimo magi OBEDO NG'A MIKWEDO E WANG' JEHOVA." Rapar mar Chik 18:10-12. "Kik ulokru ir jogo man gi jochiende, kata kuom jojuogi, kik udwargi mondo gichidu: An e Jehova Nyasachu." Tim Jo-Lawi 19:31. "Ng'at molokore bang' jo man gi jochiende, gi jojuogi, kendo giluwu bang' terruokgi, anaket wang'a kuom ng'atno, to nagole kuom jogi. E momiyo upwodhru uwegi mondo ubedi maler: nikech An e Jehova Nyasachu." Tim Jo-Lawi 20:6-7. Yesu Kristo e jachang roho, chuny gi ringruok, en e moweyonwa timwa duto mamono; mochango tuwochewa duto; Zaburi 103:3. "Ng'ato otuwo kuomu koso? mondo oluong kanisa; gin mondo gikwa ne, kowire gi mo e nying Ruoth. Kendo lamo mar yie noresi ng'a motuo, mi Ruoth nochiere; kendo ka noketho, nowe ne. Emomiyo mondo uhul richou ng'ato ni ng'ato, kendo okware mondo ochangu." Yakobo 5:14-16.

Kisomo kitabu matin ni, Nyasaye wuoyo kodi, konyisi, mondo ilokri e richoni kendo ichiw ngimani ne Nyasaye, to chuny opuk manie chunyi, kuodhoni ni: "Kik irikni, kik ichiwri kawuono, inyale timo kiny, juma mabiro, higa mabiro ber, nyis chwori mokwongo, penj gima chiegi kata wuoru nyalo wacho, nyombi mokwongo. Kar winjo duond Nyasaye iyawo iti ni duond jachien. Kuom timo kamano imiyo chunyi bedo mapek kaka pat opuk.

### **KWACH:**

Ma en le mager ahinya, kendo majanek. Oloso kuom mirima gi kwinyo kod momoko mamie chuny dhano. Ng'ato molo kod kwinyo marach kod chuny mopong' gi mirima terogo e timbe maricho, kwong'ruok, yanyo kendo

neko kinde moko. E kinde ma ng'ato madho kong'o ne-nore nomadho chuny jachien kendo mone ritore kende. Jomaluor mathoth metho mang'eny mondo omigi teko timo parogi mar jachien kod himruok. "Divai margi en kich thuonde malich, kendo kiri marach mar thuonde." Rapar mar Chik 32:33. Himruok en gimaber ni chuny mopong' gi richo, to Nyasaye en obed jachul kuor marwa. Yesu nowacho: "Heruru wasiku." Nyasaye osingore ni nowenwa richowa kwa weyo ni jogo matimonwa marach.

### **THUOL:**

Kinde moro gima nigi chia moloyo ni nowuondo Adam gi Hawa e puoth Eden, mondo oketh lalruokgi malong'o gi winjuok kod Nyasaye. Nyiego nomako satani kane oneno kaka Nyasaye nohero dichwo gi dhako mokwongo kendo kaka noketogi joloch mag piny duto kar Lusifa satani. Nikech nyiego satani ne oloso riek'o mar ketho winjuok miwuoro gi ngima man e kind dhano kod Nyasaye. Nyiego marachno nie chunyi gi ngimani masindo morni ka ji moko gimor kendo odak maber. Kata Jotich Kristo onego oritre mos moloyo kuom chunyni marach mar nyiego, ka Nyasaye otiyo kendo gwedho jatichne moro moloyie. Nyiego keto paro mang'eny maricho e chunyi kuom iro jomoko, ketho morgi kendo nego jogo ma ingo nyiego. Nyiego manie kind dichwo gi dhako nyalo ketho dalagi kod ngimagi duto. "Nyiego kwiny kaka liel." Wer Mamit Moloyo Wende Moko 8:6.

### **OGWAL:**

Ogwal chamo lowo kendo oloso ka kuom richo mar wuoro kendo hera mar pesa gi mwandu, ma en tiend richo duto. 1 Tim. 6:10. Ogwende moko modak e piny Congo osechamo biye nyaka gibarore ma githo. Ng'at ma jawuoro ok odwar pogo mondo omiye jochan gi ji mochando. Otemo gi yore duto mag adier kata miriambo mondo oyud mwandu mar piny, ma bang'e nyal kod olwenda gi nyalo kethe, to jokuo bende powo kendo kwale. To Yesu nowachonwa to "kanuru mwandu kendu e polo kama olwenda kata nyal ok ginyal kethe, to jokuo ok powe kata kwalo, nikech kama mwanduni nitie e ka ma chunyi nitie bende." Matt. 6:19-21. Akan gi jooode nolal nikech ne hero fedha gi dhahabu gi lewini ma nengo gi tek kendo mago ma

Nyasaye okwero. Joshua 7. Yuda Jaskariota, japuonjre mar Yesu, nolal nikech nohero fedha moloyo Yesu. Matt. 27:3-5.

### **SATANI:-**

Ma en wuon jomiriambo duto kendo jogo malos miriambo. En jakwadh le kod jamini go, kendo jaloch chuny. Yesu nowacho: "Un kuom wuonu satani, kendo gombo mar wuonu e muhero timo. Ne en janek nyaka nene mokwongo ne ok obedo e adieri. Ka mowacho miriambo owacho kuom gik ma en go: nikech en jamiriambo, kendo en wuon miriambo." Johana 8:44.

### **SULWE:**

Sulwe wacho kuom ng'eyo maber gi marach manie e chuny ng'ato ka ng'ato. Ka en mudho mochido gi richo, timbe maricho, ni mondo kik otim kaka Nyasaye dwaro. Johibrania 10:22.

### **WANG':**

Wang' Nyasaye ni kuonde duto kendo oneno gik moko duto ei chuny ng'ato ka ng'ato. Onge gimoro ma inyalo pando e wang' Nyasaye maliel ka mach. E momiyo kendo oneno paro duto ma opondo kod dwaro mag chuny. Kata itimo timbegi maricho e mudho ma ndiwa, e bungu moyugino, e hoho matut, kata kamoro amora, Nyasaye neno.

### **MALAIKA:**

Malaika ochung' kar wach Nyasaye. Nyasaye wuoyo gi ng'at ma satani owuondo, konyiso go mondo olok chunye kendo yie ler mar Nyasaye odonji e chunye motimo mudho. Nyasaye bende wuoyo kod in misomo kitabuni.

### **AKURU:**

Winyo maler ni, mopidhi ma ok hiy gimoro en kido mar Roho Maler, Roho mar adier manyago kuom richo, kuom wach makare, kendo kuom bura. Roho Maler e pichani en oko mar chuny. Ok onyal dak kama richo oloyo.

### **LEP MATINDO MAG MACH:**

Lep matindo mag mach molworo chuny jaricho, loso kuom hera mar Nyasaye molworo chuny mopong' gi richo,

nikech Nyasaye ok odwar tho mar jaricho, to kolokore obedi mangima. Yesu nobiro waro jaricho. Mor maduong' nie polo kuom jaricho achiel molokore. Nyasaye dwaro luoko chuny gi remb wuode ma Miderma, Yesu Kristo, ma lep matindo gi bende ochung' kanyiso. Hera mar Nyasaye dwaro donjo e chuny mang'ich, motho.

Yesu ochungo e dhood chuny kendo oduong'o. Ka niyawore nodonji kendo luoko chunyi kendo gonyi.

## PICHA MAR ARIYO

Pichani nyiso ng'at mochako lokore kendo dwaro Nyasaye. Malaika oting'o pand ligangla, Wach Nyasaye ongima, kendo otiyo, to obith molooyo ligangla man gi dhoge koni gi koni mochuwowo nyaka opogo paro gi chuny, fuonde gondhundho bende kendo ong'iyo paro kod dwaro mar chunywa. Johib. 4:12. Wach mar Nyasaye parone ni misach richo en tho, kendo kaka oketo ni ji mondo githo mana dichiel to bang'e bura nitie. Johib. 9:27. Kar jaricho kod ng'at mak oyie nobedi e ataro mar mach gi kibiriti.

E bad malaika komachielo oting'o hanga wich. Ma eni paro ne jaricho ni wan duto wabiro tho. Ringrewa mwahero gilala, mwa kawo ne kinde mathoth gi rito kwawake kendo miye chiemo, timone duto kwachopone gombone kod dwarone mang'eny. Ringruokni biro tho kendo top. Kute nochame e kinde no roho gi chunywa nochungi e nyim kom bura mar Nyasaye. Jaricho chako winjo kwer mar wach Nyasaye kendo yawo chunye kuom hera mar Nyasaye. Roho Maler chako rieny e chuny motimo mudho. Ler Nyasaye donjo kendo chako riembo mudho duto. Kama ler nitie, ochuno mudho mondo owuogi. Hera mar Nyasaye chako yomo chuny matek. Richo, ma le mopogore ochung kare, nyaka wuogi.

Jaricho, yie Yesu, chieng' mar piny, odonji e chunyi eka mudho gi timbe ne nyaka nowuogi kaka ineno e pichani. Yesu nowacho: "An e chieng' mar piny, ng'a moluwa ok anowuothie mudho ngang'." Yohana 18:12. "Yaye jogo mohero mudho molooyo chieng'." Ka Yesu nodonjo e hekalu Yerusalem, noriembo jogo duto mane hono dhok



## CHUNY MOYIE KENDO LOKORE

gi rombe ga kuche kendo puko fedha mag jowil fedha, eka nowacho: “Kik utim od wuora od loko ohala.” Yoh. 2:13-17. Ot en chuny. Yesu ne ok obiro weyonwa richo kende to nobiro bende golowa kendo gonyowae teko gi loch mar

richo. “Ka wuowi (Yesu) omiyiu thuolo eka nubedi thuolo adieri.” Yohana 8:36.

### PICHA MAR ADEK

Ka waneno chuny jaricho molokore adier. Owinjo kendo neno duong’ kod lich richone mogundho mano miyo Yesu ogur e musalaba. Ka ong’iyo musalaba ma malaika, Wach Nyasaye, ofwenyore, chunye otur. Hera



### CHUNY MOLOKORE

mar Nyasaye mofwenyore kuom Kristo Yesu lenyo chunye, to moyo koparo Yesu Kristo, Nyarombo mar Nyasaye, osebiro golo richone mathoth kendo chiwore tho kare e musalaba. Adiera ni Yesu nochwadi, ne sidh ne ligisa mar kudho, nogure gi musomali e luete, gi tiendene kendo nong'awe e musalaba kuom richowa, turo chuny jaricho molokore. Ka osomo kendo ochiko ite e wach Nyasaye, onenore owuon e rang'i mar Nyasaye, kendo ong'eyo kaka chunye otimo mudho kendo opong' gi richo. Ma chwowo chunye moregore kendo man gi lit miyogo yuak kuom richone kendo Nyasaye chorore machiegini kode. Hera kod kwe mar Nyasaye donjo e chunye ma remb Yesu Kristo oseluoko kuom richo duto. Ochako neno ni Ruoth chiegini gi joma chunyi otur chuth, kendo oreso jogo machuny gi lokore kuom richogi. Zaburi 34:18. Ochango jo ma chunyi otur kendo oboyo ringregi kohiny. Zaburi 147:3. Kendo Wach Nyasaye onyiso ratiro: "To agen ng'ato machalo kamani, ng'ato ma jachan, malokore kuom richo gi chunye, matetini, kawacho." Isa. 66:2.

Roho Maler kod hera mar Nyasaye gidak e chunyno moseluoki. Ka ong'iyo musalaba kuom yie kod remb Yesu manochwer kuom golo richowa, ochako ng'eyo ni richone owene kendo beo gadiera e chunye ni remb Yesu Kristo, Wuod Nyasaye, oseluoke kuom richo duto. 1 Yoh. 1:7. Ng'a moyie kuom Yesu kik lal to obedi gi ngima manyakachieng'. (Som 1 Jokor. 6:10-11) Kuom Yesu wan gi waruok marwa nikech rembe, weyo richowa kaka mwandu mar ng'wonone obet. Joefeso 1:7. Koro en gi Roho manyien e chunye kendo a kanyo ok ohero piny kata gik manie piny to odwaro gik Nyasaye mosepong'o chunye gi herane. Le ma gin richone, gin oko mar chunye, kata satani owuon ok odwar wuok, kendo pod ong'iyo chien ka engi geno ni doyudi thuolo mar donjo kendo. E momiyo owachnwa ni wariti kendo walam mondo watam jachien mondo oring oa kuomwa.

### **PICHA MAR ANG'WEN**

Pichani loso kuom ja-Kristo moseyudo kwe malong'o kod warruok kuom misango mar Ruodhwa gi Jawarwa. Yesu Kristo. E momiyo en ok odak onyal pako mak mana kuom musalaba mar Ruodhwa Yesu Kristo, kuom en

Nogur kod  
Kristo. Jogal.  
2:20

Kutho kuom  
richo, to mungi-  
ma ni Nyasaye  
kuom Kristo  
Yesu. Jorumi  
6:11.



### **NOGUR KOD KRISTO**

noguro piny kode kendo en kod piny. Jogal. 6:14. Oneno chuth ni Yesu notho e musalaba ni mondo wan bende kwatho kuom richo mondo wabed mangima kuom wach makare. 1 Petero 2:24. Ja-Kristo ogur piny kode. Ochikwa mondo wawuothi kuom Roho mi ok wanatim gombo mar ringruok. Jogal. 5:12-25. Kendo onyisowa mondo walu



pwodhruok ma ka ng'ato oongego to ok anone Ruoth. Johib. 12:14.

Ei picha mar chuny inyalo neno siro mane otweye Yesu kod nyororo bang' kane giselonyo lepe. Inyalo bende neno del mano chwadego malit nikech kum madine obet kuomwa obed kuome. Isaiah 53:5-12. Nogoye malit nikech richowa. Ruoth Herode gi joge nochare to bang' kane gisechwade negirwake gi nanga makwar. To negi kado ligisa mar kudho negi kete e wiye kar osimbo mar dhabu. Ne giketo odundu e luete korachwich kar ludh Ruoth. Ne gigo chonggi piny nyime kendo neginyiere ka giwacho: "Misawa, Ruoth Joyahudi." Negi ng'ulo olawo kuome mi ne gikawo odundu kendo negi goyogo wiye. Eka ka negisenyiere to negigole kanyo mondo figure. Nitie ji maluongore kendgi jo-Kristo mang'eny malemo e kanise, sudo e sap Ruoth, wero wende Nyasaye, to timbegi maricho guro Jawargi kendo. Ok duto malemo kendo wacho ni Ruoth Ruoth nodonji e piny Ruoth polo; to ng'atno matimo mana gima wuora me polo dwaro. Matt. 7:21-27. Inyalo bende neno kirop pesa mar Yuda e picha. Yuda nondhogo Yesu kendo ng'iewe kuom fedha piero adekgo, nikech hero pesa noumo wang'e kendo mako chunye marachno. Teche kod nyoroche gi mamoko askache notiyogo kuom mako Yesu gotieno. Ombulu bende askeche nokonyore godo kuom pogo lepe mondo ochopi weche manokor mag Nyasaye: "Gipogo lepa e kindgi kendo gigo ombulu kuom arwakana ng'a ma dikaw." Zaburi 22:18.

Kod tong' askari nochwowo ng'etne gi chunye, kendo remo nochwer gi pi. Yohana 19:33-37. Ka thvon gweno pok okok Petero nokwero Yesu nyim nyako, to achien ne nolokore koyuak ahinya. Ihulo nying Yesu gi dhogi kod timbeni? Koso iluor timo kamano? Yesu nowacho: Ng'atno manokwera e nyim ji an bende anakwere e nyim wuora me polo." Matt. 10:32-33. Yesu nowacho kendo: "Ka ng'ato dwaro luwo bang'a mondo okwerre owuon, kendo oting' musalape kendo oluwa." Matt. 16:24. "Ng'ato mak oting'o musalabane owuon, kendo luwo bang'a, ok owinjorena." Matt. 10:38.

Lwanda ma nobarorena,  
We mondo apond kuomi;  
We pi mari gi remo,  
Mano chwer a e ng'eti;  
Kuom richo ochangoa,  
Luoka kuom wich kuot duto.

### **PICHA MAR ABICH**

Ka onyiswa ngima moluoki kendo mopuodhi mar jaricho mowar gi kech kod ng'wono mar Nyasaye mogundho. Koro en hekalu adier mar Nyasaye, kar dak Nyasaye, wuoro, wuwuwi gi Roho Maler, kaka Yesu nowacho: "Ng'ato kohera nomaki wachna, wuora bende nohere, kendo wanabi kuome, wanabed kode." Yoh. 14:23. Nyasaye oluoro, ogwedho kendo ting'c malo joma odhier kuom Yesu Kristo. Luka 1:52.

Chuny koro osedoko hekalu mar Nyasaye mangima. Richo osegol oko. Kar le mopogore, nolo gi satani wuon miriambo, waneno Roho Maler kodak e chuny. Kar timbe maricho mag ringruok chuny koro obedo kaka pwotho manyago olembe, yath manyago olembe, monyiso nyak mar Roho kaka hera, mor, kwe, muolo, kinda, ng'wono, ber, yie, ritruok kod olembe mamoko mowinjore ni Nyasaye gi dhano. Koro osebedo bad yath manyak olembe e msabibu madieri, Ruodhwa Yesu Kristo. Nyak mar olemo mabeyo yudore mana ka ng'ato obedo kuom Yesu Kristo, kendo Kristo obedo kuome. Yohana 15:1-10.

Bende okano wachne e chunye. Kopong' gi batiso gi Roho Maler engi teko mar loyo ringruok gi gombene kendo guro ringruok gi dwarone. Kuom teko mar Roho Maler onyalo wuotho e Roho. Ok odak kuom gigo mone-no, mowinjo kata momulo, to odak kuom yie; nikech yie kuom Yesu Kristo e loch mwaloyogo piny. Odak kuom geno kendo ojiwe gi geno mangima mar duogo kendo biro mapiyo mar Ruodhwa Yesu Kristo. Odak gi hera kendo ei hera mar Nyasaye manyakachieng'.

"Jogo gin johawi ma chunyi ler: nikech ginine Nyasaye." Matt. 5:8. Ruoth Daudi, kata kamano ne en gi mwandu kendo loch kuom wasike, kata ne onego Goliath, ng'at marakora kod jomoko, ne pod en kod dwaro achiel

HERA  
MOR  
KWE  
KINDA  
NG'WONO

BER  
YIE  
MUOLO  
RITRUOK  
Jogalatia 5:22-23



### HEKALU MAR NYASAYE

maduong' e ngimane mane ong'eyo ni nyaka obed go kowaro neno Nyasaye. Noyuagore ahinya: "A Nyasaye chwena chunya maler kendo duogi chuny mogik kare e iya." Zaburi 51:10. Onge ng'ato manyalo luoko chunye owuon, kata chweyo gi luoko chunye owuon gi tekone. Nyaka osud ir Nyasaye gi chuny molokore maradier gi hulo kod weyo richone kaka Ruoth Daudi notimo, kaka wuowi machogo mane oweyo mbithe kendo duogo ir

wuon mare kendo wachone gi chuny monyosore: “Wuora, aseketho e nyim polo kendo nyimi.” Luka 15:18. Nyasaye oikore konyo jaricho ka jaricho mobiro ire gi chuny molokore adier, nikech Nyasaye nosingo owacho ni: “Anamiyu chuny manyien, kendo anaket roho manyien e chuny; kendo anagol kuomu chuny marach matek ka kidi, kendo anaket roho mara e chunyu, anamiyu wuotho e chikna” Ez. 36:26. Ma e Muma Manyien Nyasaye oseloso kendo umo gi remb Wuode Yesu Kristo.

E pichani waneno bende malaika koduogo kendo. Jo-malaika tiyo ni jogo manocham ngima ma nyakachieng', kendo luoro jogo moluoro Nyasaye. Zaburi 34:7; 91:11; Dan. 6:22; Matt. 2:13; Tich Joote 5:19; 12:7-10. Satani bende nenore e pichani kochung machiegini gi chuny, korito kinde mondo oduogi kar dakne machon. E momiyo onyiswa ni mondo wariti kendo lamo, nikech jasikwa, iblis, obayo ka sibuur magoyo asumbi kodwaro ng'a ma docham. 1 Pet. 5:8. “Tamuru jachien mi noringu.” Yakobo 4:7.

## PICHA MAR AUCHIEL

Ma en picha makelo kuyo mar ng'at modok chien. Wang' achiel chako dinore, manyiso ni ochako bedo mang'ich kendo yomno kuom gigo mag ngima ja-Kristo kendo opogore e chunye. Wang' machielo ng'icho maonge wich kuot kotemo hero piny. Ler manie chuny chako dinore kendo kido manie chuny nyiso chuny mochiwore mondo oyud chandruok kod Kristo, chako dong' matin tin, mi ok ochungi ratiro kendo. Enie dier temruok ma mos mos odonjoe kar tamo jachien. Owinjo duond jatem kar winjo duond Nyasaye. Kata pod odhiyo e chokruok e kanisa kendo temo pando timbene mag piny, e chunye obor gi Nyasaye kendo osewito herane mokwongo mar Nyasaye. Sulwe me chunye, paro, chako dinore kendo musalaba chako bedo ting' mapek. Yie ne chako yiengni, koweyo lalore gi Nyasaye e lemo. Ochako jwang'ore kuom kit chunye kendo miyo jatem thuolo rito machiegini gi chunye.

Chuny ongowang' chako dwaro donjo. Ochako sungore, mana kaka sunga mar bedo ja-Kristo, kawiyie wil ni



## CHUNY MOTEM KENDO MOPOGORE

ne oware gi ng'wono kende. Mer duong'o e dhood chunye kendo dwaro donjo. Kamoro ng'ato teme mondo omadhie matin, kata nyiso ni kong'o mayom ok rach. Ok one ni madho kong'o matin kata kong'o mayom en mana aora matia mamol kochomo maduong' mar mer. Kamoro dhako bago kong'o ni chuore kod osiepena kata oliang'ore owuon kowacho ni en owuon ek omadh kong'o, to otero jomoko

kuom mer, kendo chuny merno wuondogo. Terruok kod tim anjawa biro kendo temo ja-Kristo gi neko mar gehena duto. Mita ochako winjo gi mor duond anjawa gi twak mochido, ochako hero osiepe maricho kendo donjoe e tuke maricho kod miel. Mita ng'ato wachone ni miend lony kata yo kata gimiel ber kama chwo g<sup>1</sup> mon miel kaachiel kendo rach mana ka ng'ato mielo miend jopiny. Ok onyal neno ni kuonde miel duto gin kuonde manyuolo anjawa kendo mochak ni miend lony rach moloyoe. Miluongo ni math lony mar sigara gi ndawa rach mana kaka madho kwesi ma jopiny timo, nikech gimadho kwesi mathoth moloyo kendo gi madho kwesi pile odiechieng' gi odiwuor. Yesu ne ok omadho. ndawa to kata ja-Kristo maluwo Yesu ok owinjore madhi ndawa.

Satani nyiso ni tugo gi richo ok en richo. Timo richo dichiel, timo tim anjawa dichiel ok rach, ma e gima jatem nyise nyaka chuny mar anjawa oyudo kar donjo e chuny moluoki kendo kawe ka mare.

Ng'at manie pichani me chwowo chuny gi ligangla loso kuom jo-achara kendo jokwer tim Kristo machwowo chuny gi wehegi mag miriambo. Ok onyal chungo nyiero marach kod jaro mag ji, to moloyo koyudogi koa kuom osiepegi Wehegi chwowo chunye to kaka hera mar Nya-saye osebedo mang'ich e chunye, ochako luoro ji miloyo Nyasaye, kendo nikech luoro gima ji nowachi kata paro, obedo misumba dhano kendo dok chien.

Mirima gi ich wang' duogo kendo e kinde mag chandruok kendo chako loyo chunye. Kuong'ruok kod yanyo ketho dhoge mane osebedo kopako go kendo lamogo Nya-saye. Kata ka jachien nyalo yudo kinde matin, dhoot martin, richo mar nyiego nodonji iye kendo yawo malach ni richo ma moko.

Yot ahinya miyo hera mar fedha thuolo mondo omol e chuny ng'ato mak mana kwachiko itwa kuom weche mane Ruodhwa Yesu Kristo wacho: "Rituru kendo lamuru mondo kik udonj e tem." Matt. 26:41. "E momiyo ng'ato koparo ochungo mondo one kik ogore piny." 1 Jokor. 10:12. "Wamakreuru gi luenje duto mag Nya-saye, mondo wanyal chungo kuom weche mag satani." Joefeso 6:11-18.

## PICHA MAR ABIRIYO

Ma nyiso kido mar chuny ng'at modok chien ma bang ka chunye yande oyawore dichiel, kendo nobilo chiwo me polo, kendo nodoko ng'a makawo Roho Maler osepodho. Onyiso bende kido mar chuny ng'at mapod kolokore, kata oseyalne Wach Nyasaye kendo fwenyrene to pod ojiwo mana chunye kendo dhi nyime gi timo richo.

Yesu owuon onyiso kit ng'at modok e piny kano wacho. Ka jachien mochido ose a kuom ng'ato okadho kama pi onge, kodwaro kama oyweyoe, to ka ok onwang'o koywe; eka owacho, Nadogi e oda ku ma naaye; kotundo onwang'o koyuwe-kendo olosi. Eka odhi okawo jochiende moko abiriyo maricho molooyoe; to gidonjo mi gidak kanyono: to achien ng'atno odoko marach molooyo mokwongo." Luka 11:24-27. "Osetimore nigi kaka ngero maradier obet; guok odok kuom gi ma nong'ogo, kendo mbidhi mose luokore ong'ielore e chuodho." 2 Pet. 2:22.

Weche Maler gi nyiso ratiro kit chuny ng'atni. Richo gi wuondruokne duto osebiro dak kendo loyo chunye. Kata lela wang'e bende nyiso kethruok mar chunye. Roho Maler ne nyaka wuogi a e chuny nimar richo gi Roho Maler ok ginyal dak kanyachiel. Chieng' gi mudho ok gi lalre. Chuny ok nyal bedi hekalu mar Nyasaye kod bur Satani. Malaika, wach Nyasaye, nyaka wuogi kod chuny malit, pod ong'iyio chien ka en kod geno ni jalo modok chien dilokre kaka wuwowi machogo notimo. Ka chunye noduogo kama ne okwayoe mbithe, kendo nogombo ni mondo oyieng' gi opokila mane mbithe chamo; kendo onge ng'a ma nomiye gimoro. Noneno dokne chien, kit rwe-nyone, nolokore kendo wacho: 'Na chung' nadhi ka wuora, nawachne: Wuora asekethe nyim Nyasaye kendo nyimi ok awinjora kendo ni mondo iluonga wuodi.' Nikech lokruokne madieri kod lit mar richo e chunye, wuon mare noweyone kendo yang'one nyaruadhno mamiyo kendo norwake.

To ka eni onge chuny lokruok mondo omiye duogo ir Nyasaye, podho e tiend Yesu, dwaro warruok gi pwodhruok. Paro mar chunye osebedo kaka gi ma owang' kendo otho. En gi ite mar winjo to ok onyal winjo duol mahombo



### CHUNY MATEK

mar Nyasaye kendo. Engi wenge maneno to ok onyal neno bugo maonge gikone mar gehena mapiyo nono obiro nimoe. Oonge gi wich kuot kata luoro richo kendo timogi ratiro. Satani osebiro loyo chunye, kendo obedo kaka ruoth e kome. Mita nyalo bedo ni gi oko pod opakore kaka liel mobuki gatoya, to e igi gipong' gichoke jo motho kod yuothruok duto mag richo. Matt. 23:27.



Wuon miriambo osekawo kar chuny madieri. Le ka le, richo ka richo, man gi chuny moyuothore konyogo loyo chunye. Kata doher mondo ogonyre oa kuom chuny moyuothore ok onyal nikech osebedo misumbagi. Oneno adiera mar gima Nyasaye nowacho kuom jaote Petero, to kuom jogo mano chayo chik Musa otho kaonge miwafu, to uparo nadi bura malit moloyo dwinjre ni jalo mosenyono Wuod Nyasaye kendo kwano ka remb wuod Nyasaye en mana gi moro nono, kendo chayo Roho mar Ng'wono. Johib. 10:29-30; 2 Pet. 2:1-14.

Kuom Jasomo, ka ma nie kit chunyi, yuagri ni Nyasaye gi chunyi duto. Onyalo kendo ikore mar resoi, weyoni gi luoko kuom richo duto ka ibiro ire gi chuny lokruok maradier. Onyalo tweyo jachien gi jotichne duto kendo riembogi ae chunyi ka iyie ni mondo otim kamano. Bi kaka jadhodho mane obiro ir Yesu kendo yuak: "Kiyie inyal losa." kendo Yesu nowacho: "Ayie losri." Mariko 1:40-43. To ka idhi nyime kod miyo chunyi bedo matek kendo hero mudho maloyo chieng', onge geno kata konyruok kuomi, nikech iyiero tho kar ngima; modho kar chieng'.

### **PICHA MAR ABORO**

Ka e wayudo jaricho matek kod ng'at mosedok e piny kochiegini gi tho, ringre opong' gi rem kendo chunye opong' kod luoro tho. Tho (choke) osebiro e kinde maok opar kata ma ok odwar, kendo ng'iyie malich gi wenge makwiny. Mor richo osekadho kendo misach richo nyaka chul. Lich mar gehena mako chunye mopong' gi luoro. Kata doher lemo, oyudo ni ok onyal dembore kod laloro gi Nyasaye. Weche duto manono mosiepene mag piny yomo go chunye ok nyal konye, kendo mwandune moa kuom hero pesa mosechoko, ok nyal waro chunye kata konyo remne kata medo ngimane. Kata da otem paro Nyasaye, jachien ok nyal miye thuolo. Gik moko duto ma ne hero mag piny ka kendo dakie nenore kachare, kata jokwadhe ma jomiriambo ok nyal konye.

Ochako neno ni en wach malit kipodho e luet Nyasaye mangima. Nogeno bedo kare gi Nyasaye e kinde mar tho, to koro oyudo ni osedeko. Ji tara gi tara tho apoya



### BUCH JARICHO

nono ka gi onge thuolo mar dwaro Nyasaye e kindego mag tho. E momiyo onyisowa ni wadwaruru Nyasaye ka pod kinde nitie mar yude. Kar winjo wach Nyasaye mayomo chuny, jaricho mathoni, mosekwero ng'wono kod hera mar Nyasaye e ngimane, koro nowinj duond Jang'ad bura kawacho: Ayeuru kuoma, un joma okwedi udhi e mach mochwere moyik ni iblis kod jomalaika ne." Matt.


25:41. 'To kaka oketo ni ji mondo githo mana dichiel to bang'e bura nitie' Johib. 9:27.

## PICHA MAR OCHIKO

Ka waneno picha ja-Kristo maradier kodhil kendo loyo chandruok kod temruok duto mag ringruok gi jachien. Iteme koni gi koni to odhil nyaka giko. Oloyo magi duto kuom Yesu Kristo, kendo ok osechako mana ng'we ja-Kristo to otieko bende ng'wech, kotego wange kuom Yesu ma Jatelo gi Jachop mar yie. Johib, 12:1-2.

Satani, gi jokonyne duto, gilworo chuny moyie ka gi temo yudo kar donjo, to ok ginyal. Sunga, hero mwandu, chuny dwanyruok, giduong'. Kar guok gi kwach waneno nyuok gi punda, nimar richo rwakore kata nyinge gi yore mopogore. To ja-Kristo marito tang' gi richo e yore ne duto mobirogo kata obine gi nying dini, kata kaka malaika mar chieng', kuom wach Nyasaye gi chuny maradier e chunye, telone e adiera duto kendo konye kuom pogo gima rach kod gi maber. Kaachiel gi le mathoth kod jokony satani inyalo neno ng'ato mamiel e nyime kod kikombe kong'o kata divai e luete, kotemo ja-Kristo — kod mor mar pinyni kod kong'o gi miel. To magi duto ok nyal chando ja-Kristo mochiwore mosetho kuom richo kendo kuom piny. Mani tere mana machiegini gi Nyasaye. Ng'at machielo chwowe gi ligangala. Weche maricho, kwoth, charo, siem moa kuom jo mak oyie, kata kuom jogo miparo ni jo-Kristo, chwowo chuny. To, ohoyo chunye owuon gi wach Yesu, mano wacho: "Un johawi ka ji noyanyu kendo sandu, ka gi wacho weche maricho duto mag miriambo kuomu nikech an. Moruru kendo iluru, nikech poku duong' e polo." Matt. 5:11-12.

Richo, ringruok, ma en OWUON kod jachien temo bergi ahinya mondo opog jo-Kristo kuom hera mar Nyasaye. To gichir onyalo wacho: "Ng'a ma nogolwa kuom hera mar Kristo? Masira, kata chandruok, kata sand, kata kech, kata duk, kata gi marach, kata ligangla? To magi duto waloyo chutho kuom en ma noherowa." Jorumi 8:35-39. Bang' ting' ting'o giluenj duto mar Nyasaye, mondo onyal tamo e ndalo marach kendo gi teko mar Roho Maler oloyo ringruok gi temruok ma moko duto.



### CHUNY MALOCHO

Oeno ni Kristo, odak e chunye, kendo oduong' molojo jachien kod jotichne, nikech ng'a ma nie iwa oloyo ng'a man nie piny, jachién. Yesu noloyo jachien, richo gi tho kendo kuom en waloyo chutho kendo kawo osimbo mar duong'.

Sulwe mar chunye nenore maler. Chunye opong' gi yie kod Roho Maler. Malaika mar Nyasaye e wiye malo

parone singruok momi jogo moloyo kendo dhil nyaka giko. Fweny 2:7,11,17,26; 3:5,13,21.

Mufuko madhoge oyawore mar pesa nyiso ni ok chunye kende to kata pesane kod ma en godo duto owalo ni Nyasaye . Kar ketho misache e mor mag richo, okonyo jochan, ochiwo achiel kuom apar mar gima oyudo ni Nyasaye, kaachiel gi chiwo kama onyalo chiwoe. E yore duto okonyore gi pesane kuom miyo Nyasaye duong', mana kaka rombo moyie chiwo yiere ni wuon. Ting' mar mikate kod rech nyiso ni odak maler kendo mowinjore. Ok olos kong'o gi divai chiembe kata kethore owuon kod chamo remo kod gik motho. Ok onyam kata madho ndawa nikech ong'eyo ni ringre nyaka riti maler kaka hekalu mar Nyasaye. Chunye owuon osedoko od lemo, to obe-nde odhiyo e kanisa lemo koluoro Nyasaye pile kata piny rach kata odich. Ohero lemo kata e od lemo kata e ode owuon. Ochoko jooode pile kuom lemo, nikech ong'eyo ni ka onge lemo ja-Kristo ok nyal dak, mana kaka rech ok nyal dak maonge pi.

Kitabu moyawore, nyiso ni Muma, Wach Nyasaye, oyawore ne mosomo kendo kopuonjore gi mor. En tach tiende, ligangala miloyo go jachien, pile kuon chuny ma pidho chunye kendo e pi matieko riyo. Kinde ka kinde okawo gir luok ei Wach Nyasaye kendo okonyore go kaka rang'i mar chuny monenore kaka ochal.

Ohero ting'o musalaba, maparone ni en osegure kod Kristo, kendo nosechier e ngima manyien kendo emamiyo odwaro gik mantie malo, gik mosiko ma nyaka chieng', gik mak ne. Oikore romo kod Nyasaye kendo en kaka yath mopidhi machiegini gi pi manyak olembe, kaka bad yadh cha mar msabibu madieri manyak olembe. Hera molony mar Nyasaye osepong'o chunye emamiyo ok oluoro tho. Zaburi 1:1-3; Yohana 15:1-14; 1 Yohana 4:18-21.

## PICHA MAR APAR

Yesu nowacho: "An e chier kendo an e ngima, ma oyie kuoma kata otho, nodoki mangima, kendo ng'at mangima koyie kuoma ok anotho nyaka chieng'." Yohana 11:25-26. "Ng'a ma owinjo wachna kendo oyie en



### DHIYO DALA MIWUORO

noora, engi ngima manyaka chieng' kendo ok anodhi e bura to ose a e tho donjo e ngima." Yohana 5:24. Tho onge luoro kata chandruok kuom ja-Kristo, nikech loch osegolo tho oko nyaka chieng'. "In tho iloyo kanye? in tho ikayo kanye? To wago erokamano ni Nyasaye mamiyowa loyo kuom Ruodhwa Yesu Kristo." 1 Jokor. 15:54-57.

Ng'at mosedak ni Nyasaye ok oluoro tho. Ka kindene moweoyo go piny ka osechopo, nodhi gi mor kar bet mochwere. Jaote Paulo nowacho: "Adwaro bedo gi Kristo

nikech en maber moloyo ahinya.” Jofilipi 1:23. Ja-Kristo gombo neno wang’ Yesu manothone e musalaba kendo ware gi rembe owuon. Roho Maler parone weche Yesu kama ne owachoe: “Kik chunyu; parre; uyie kuom Nyasaye, kuoma bende yieuru, E dala wuora nitie udi mang’eny, nabi kendo mios, naruaku kama antie; mondo kama antie un bende ubedie kanyono.” Yoh. 14:1-14.

“Mago ma wang’ ne ok oneno, kendo it ne ok owinjo, kendo mane ok odonjo e chuny dhano magi duto Nyasaye noloso ni jo mohere.” 1 Jokor. 2:9. Onge dhok moro e piny moromo hulo kata nyiso malong’o duong’ mag polo molosi ni jo moloyo e piny ka kendo yie kuom Yesu Kristo

Picha mar apar ni oparnwa wuodh polo kuom ng’at moyie kuom Kristo. Kar luoro choke mag tho, malaika mar Nyasaye onenore. Orito kawo chuny go makare duoke ne Nyasaye. Chuny kod Roho ogony kuom tonde mag ringruok matho, ka fuyo nyaka kor e En ma ne chunye ohero, kuome kendo ei en ma ne odakni kendo thoni e piny . Ruak mamor orite e nyim Nyasaye kaka Ruodhe nowachne: “Ber yaye jatich maber kendo ma jakinda; donj e mor mar ruodhi.” Matt. 25:21. Satani onge teko kuome kendo nikech tho jomaler mage ni gi nengo maduong’ e nyim Ruoth. Zaburi 116:15. “Eka nawinjo duol moa e polo kawacho niya, ndiki, jo motho gin Johawi motho kuom Ruoth nyaka a kawuono: Ee, Roho owacho, mondo giyuwe ka giweyo tichgi; nikech tichgi oluwo bang’gi.” Fweny 14:13.

Kuom in masomo kitabuni, Nyasaye okonyi mondo ichiw chunyi ni Yesu, nikech nowacho: “Wuoda, nyara, miya chunyi.” Nomiya chuny maler kendo keto Roho ne maradire e iyi. Kik iyie chunyi ma wuondore witi gi luwo dwarone maricho, nikech ng’a mageno chunye owuon ofuwo. Ngeche 28:26. To ng’a mawuotho gi rieko norese. We richo gi kendo lu wach makare nikech misach richo en tho to mich Nyasaye en ngima mochwere kuom Yesu Kristo.

Kuom in misechiwore ngimani kuom Nyasaye, makuru motegno kit weche makare, kuom yie kod hera mani e Kristo Yesu, nikech ing’eyo Jalno miseyie, to iyie chu-

tho ka en onyal rito kenoni nyaka ndalonogo. Geruru yieu kuom yie maler, lemuru kuom Roho Maler, beduru kuom hera mar Nyasaye, kutego wang'u kuom Yesu, ma Jatelo gi Jachop mar yiewa, maduogo piyo Ruodh Ruodhi.

“To kuom ng'a manyalo ritou ni kik uchwanyre, kendo manyalo ketou e nyim dwong'ne kuonge mbala gi mor molojo, dwong' gi teke, gi piny ruoth gi thvon, obedi ni Nyasaye makende Jakonywa, kuom Yesu Kristo Ruodhwa, nyaka nene chon, kawuono, kendo nyaka chieng'.”  
Yuda 24:25.

“Nitie piny maber loyo odiechieng',  
Kendo kuom yie wanyalo nene;  
Nikech wuoro oritowa yo,  
Olosonwa kar dak kucha.

Wanawer a dho nam maberno,  
Wende mamit mag jomogwedh;  
Kendo chunywa ok anone lit,  
Onge ywak kuom yweyo mogwedh.

**Chorus:**

Bang'e e polo,  
Wanarom e dho nam maberno.”  
Bang'e e polo,  
Wanarom e dho nam maberno.”

---





**A SPECIAL WORD FROM ANGP**  
**UN MONDE SPÉCIAL DE L'ANGP**  
**UMA PALAVRA ESPECIAL DA ANGP**

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from [www.angp-hb.co.za](http://www.angp-hb.co.za) or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de [www.angp-hb.co.za](http://www.angp-hb.co.za) ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialectos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de [www.angp-hb.co.za](http://www.angp-hb.co.za) ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

**l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.**

**As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.**



**Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.**

**If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.**

**Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.**

**Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.**

**Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.**

**Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos**

informar. Pois nos gostaríamos de agradecer a Deus juntamente convosco, e lembra-lo sempre em nossas orações.



For free Gospel literature, books and tracts in over 538 languages, write to:

Pour obtenir gratuitement de la littérature évangélique, des livres et des traités en plus de 538 langues, écrivez à:

Para obter gratuitamente a literatura evangélica, livros e folhetos em mais de 538 línguas diferentes escreva para:

E-MAIL: [info@angp-hb.co.za](mailto:info@angp-hb.co.za)  
[info@angp.co.za](mailto:info@angp.co.za)

**ALL NATIONS GOSPEL PUBLISHERS**

**P.O. Box 2191**

**PRETORIA**

**0001**

**R.S.A.**

**A Gospel Literature Mission financed by donations**  
**Une Mission de littérature évangélique financée de dons**  
**Missão de literatura Evangélica financiada por donativos**

(Reg. No. 1961/001798/08)